

Date : 15 Jun 2017
Title : 19 Penuntut UPNM didakwa
Publication : Berita Harian
Page : 8 & 9

KES PELAJAR MATI DIDERA



Pertuduhan

→ Seksyen 302 Kanun Keseksaan kerana membunuh; Mohd Akmal Zuhairi Azmal, Azamuddin Mad Sofi, Muhammad Najib Mohd Razi, Muhammad Afif Najmudin Azahat, Mohamad Shobirin Sabri.


→ Seksyen 109 Kanun Keseksaan kerana bersubahat membunuh; dibaca bersama

Seksyen 302 kanun sama Abdoul Hakeem Mohd Ali

→ Seksyen 330 Kanun Keseksaan kerana dengan sengaja menyebabkan kecederaan yang boleh dihukum penjara maksimum tujuh tahun dan denda; Mohd Hafiz Fauzan Ismail, Mohamad Lukhmanul Ha-

kim Mohd Zain, Ahmad Shafwan Berdal, Muhammad Amirul Asraff Mala, Luqman Hakim Shamsuri, Muhammad Sufi Mohd Mustapha, Noriznan Izzairi Noor Azhar, Muhamad Ashraf Abdullah, Muhammad Danial Firdaus Azmir, Muhammad Hasif Ismail, Muhammad Akmal Akif Alias, Muhammad Adib Iman Fuad Adi Sany, Mohamad Syazwan Musa.

[FOTO MUHD ZAABA ZAKERIA/BH]



Sebahagian penuntut UPNM dibawa masuk ke Mahkamah Majistret Kuala Lumpur.

19 penuntut UPNM didakwa

➔ Lima hadapi pertuduhan bunuh, 13 lagi disebabkan kecederaan

Oleh Siti Nurazlinee Azmi dan Farah Marshita Abdul Patah
bhnews@bh.com.my

★ Kuala Lumpur

Seramai 19 penuntut Universiti Pertahanan Nasional Malaysia (UPNM) dihadapkan ke Mahkamah Majistret di sini, semalam, termasuk lima orang atas pertuduhan membunuh Pegawai Kadet Laut Zulfarhan Osman Zulkarnain, bulan lalu.

Seorang lagi dituduh bersubahat membunuh, manakala 13 lagi atas menyebabkan kecederaan terhadap Zulfarhan Osman.

Semua penuntut berkenaan berusia 21 tahun.

Pada prosiding sebelah pagi, Mohd Akmal Zuhairi Azmal, Azamuddin Mad Sofi, Muhammad Najib Mohd Razi, Muhammad Afif Na-

jmudin Azahat dan Mohamad Shobirin Sabri dituduh membunuh mengikut Seksyen 302 Kanun Keseksaan yang membawa hukuman mati mandatori jika sabit kesalahan.

Abdoul Hakeem Mohd Ali pula dituduh bersubahat membunuh mengikut Seksyen 109 Kanun Keseksaan dibaca bersama Seksyen 302 kanun sama yang boleh dihukum mati, jika sabit kesalahan.

Semua tertuduh menganggu tanda memahami pertuduhan dibacakan jurubahasa mahkamah di depan Majistret Siti Radziah Kamarudin.

Mahkamah tidak merekodkan sebarang pengakuan daripada mereka kerana kes di bawah bidang kuasa Mahkamah Tinggi.

Semua mereka dituduh melanggar kesalahan itu di Bilik 04-10 Blok Penginapan Asrama Jebat, UPNM Sungai Besi, di sini, antara

jam 4.45 hingga 5.45 pagi, pada 22 Mei lalu.

Mahkamah tidak membenarkan keenam-enam tertuduh diikat jamin dan menetapkan 14 Ogos ini depan untuk sebutan kes dan laporan bedah siasat.

Prosiding sebelah petang

Pada prosiding sebelah petang di mahkamah sama, keenam-enam tertuduh sekali lagi dituduh bersama 13 lagi pelajar UPNM dengan sengaja menyebabkan kecederaan terhadap Zulfarhan Osman, dengan tujuan memeras daripada mangsa pengakuan mencuri komputer riba, di tempat sama, pada 21 dan 22 Mei lalu.

Semua tertuduh mengaku tidak bersalah.

Pendakwaan terhadap mereka dibuat mengikut Seksyen 330 Kanun Keseksaan, yang boleh dihukum penjara maksimum tujuh tahun dan denda, jika sa-

bit kesalahan.

Mahkamah membenarkan tertuduh, masing-masing diikat jamin RM7,000 dengan seorang penjamin dan menetapkan 18 Julai ini untuk sebutan semula kes.

Tak diwakili peguam

Pendakwaan dikendalikan Timbalan Pendakwa Raya, Nordin Ismail, manakala peguam Mohd Fadly Hashim mewakili Abdoul Hakeem. Tertuduh lain tidak diwakili peguam.

Terdahulu, keadaan Mahkamah Majistret sesak apabila ahli keluarga tertuduh memenuhi galeri awam, seawal jam 9 pagi.

Sementara itu, Ketua Jabatan Siasatan Jenayah Selangor, Senior Asisten Komisier Fadzil Ahmad, berkata 13 lagi pelajar UPNM ditahan bagi membantu siasatan kes berkenaan, dilepaskan dengan bon mahkamah dan akan dipanggil sebagai saksi.

Date : 15 Jun 2017
 Title : 19 Penuntut UPNM didakwa
 Publication : Berita Harian
 Page : 8 & 9



Antara orang ramai yang hadir di mahkamah untuk mengikuti perkembangan kes.

(FOTO ZAIN AHMED/BH)



Hawa terharu membaca berita terbaharu di akhbar New Straits Times yang menyiarkan berita mengenai kes dera di Pulau Pinang.



Gambar kenangan Zulfarhan Osman bersama ibu bapanya.



Gambar kenangan Zulfarhan Osman ketika menuntut di UPNM.

Keluarga Zulfarhan tuntutan keadilan

Johor Bahru: "Kami sekeluarga mahukan keadilan di atas kematian anak kami, dan berharap mereka yang bersalah akan menerima hukuman setimpal," kata Hawa Osman, 54, ibu kepada Pegawai Kadet Laut Allahyarham Zulfarhan Osman Zulkarnain.

Hawa berkata, mereka sekeluarga juga ingin tahu kenapa anaknya didera sebegini teruk sehingga melucur di seluruh badannya.

"Saya boleh menerima tragedi itu, namun perbuatan mereka mendera anak saya tidak berperikemanusiaan sehingga terdapat kesan lecur hampir 80 peratus di badannya. Tidaklah mereka mempunyai sikap belas kasihan.

"Sekurang-kurangnya, jika berlaku keadaan seperti itu mereka seharusnya menghantar seseorang itu terus ke hospital untuk mendapatkan rawatan. Ini langsung tidak berhati perut.

"Saya berharap mereka yang

memperlakukan perbuatan sedemikian akan menerima hukuman mengikut Seksyen 302 Kanun Keseksaan," katanya yang juga Penolong Pentadbir di Sekolah Menengah Kebangsaan (SMK) Aminuddin Baki di sini, semalam.

Arwah anak baik

Hawa berkata, Allahyarham Zulfarhan Osman seorang anak yang baik dan suka membantu orang dan menjadi harapan keluarga.

"Allahyarham bercita-cita mahu menjadi jurutera dan pegawai Tentera Laut Diraja Malaysia (TLDM). Dialah harapan keluarga. Saya mahu melihat dia berjaya dan berkahwin," katanya.

Sementara itu, bapa Allahyarham, Zulkarnain Idrus, beliau berharap hukuman yang bakal dikenakan terhadap tertuduh akan menjadi pengajaran supaya individu lain tidak membelakangkan undang-undang.

Kronologi

Kronologi Kes Kematian Pegawai Kadet Laut Universiti Pertahanan Nasional Malaysia (UPNM), Zulfarhan Osman Zulkarnain

20 Mei → Zulfarhan dituduh mencuri komputer riba milik seorang penuntut walaupun kesalahan itu belum dibuktikan.

21 Mei → Mangsa ditekup seterika wap panas dan disebat dengan tali pinggang di Bilik 04-10 Blok Penginapan Asrama Jebat, UPNM Sungai Besi. Kejadian disembunyikan daripada pengetahuan pentadbiran dan pengurusan pegawai kadet universiti.

27 Mei → Kecelakaan semakin serius. Mangsa diseludup keluar oleh tiga suspek dari kolej UPNM menggunakan kenderaan peribadi untuk rawatan di sebuah klinik dekat Bangi, kira-kira jam 2 petang.

31 Mei → Mangsa dibawa ke klinik sama untuk rawatan susulan pada jam 5.30 petang kerana dipercayai semakin lemah. Selepas rawatan, mangsa dibawa ke sebuah pangsapuri di Kajang.

1 Jun → Mangsa tenat dan dibawa ke Hospital Serdang untuk rawatan kecemasan tetapi disahkan meninggal dunia jam 10 malam. Kematian mangsa dimaklumkan polis di Hospital Serdang kepada pengurusan batalion dianggotai Zulfarhan di UPNM.

1 Jun → Polis tahan 36 penuntut (32 UPNM dan 4 UNITEN) untuk membantu siasatan mengikut Seksyen 302 Kanun Keseksaan kerana membunuh.

2 Jun → Semua suspek ditahan reman tujuh hari sehingga 8 Jun.

4 Jun → Keluarga mangsa melantik peguam bagi membela kematian arwah.

8 Jun → Angkatan Tentera Malaysia (ATM) menubuhkan Lembaga Penyasatan Khas dipengerusikan Panglima ATM, Jeneral Tan Sri Raja Mohamed Affandi Raja Mohamed Nor untuk menyiasat kes berkenaan.

9 Jun → Tempoh reman 32 penuntut UPNM disambung lima hari lagi sehingga semalam. Empat pelajar UNITEN dibebaskan dengan jaminan polis.

14 Jun → 19 penuntut UPNM didakwa di Mahkamah Majistret termasuk lima atas tuduhan membunuh.